

Penduduk Sadong Jaya bimbang banjir besar berulang

SAMARAHAN 27 Dis. - Cuaca buruk berterusan di beberapa kawasan sejak minggu lalu dikhuatiri bakal mengulangi bencana banjir besar yang melanda negeri ini dua tahun lalu.

Kebimbangan itu disuarakan penduduk di beberapa lokasi yang terjejas teruk akibat banjir di sekitar daerah ini apabila menyifatkan bencana tersebut mungkin lebih teruk berbanding kejadian seumpamanya pada 2009.

Penghulu Kampung Asajaya Ulu, Dahlan Man, 49, berkata, semua rumah penduduk di kampung itu ditenggelami air sedalam kira-kira 0.5 meter hingga dua meter.

Keadaan itu, katanya, mengakibatkan kesemua 284 penduduk kampung dipindahkan ke pusat pemindahan yang terletak di Kompleks Sukan Asajaya di sini.

"Berbanding tahun lalu, banjir kali ini agak luar biasa sehingga ada rumah di kawasan rendah ditenggelami air hampir dua meter," katanya ketika ditemui *Utusan Malaysia* di sini hari ini.

Pendapat Dahlan disokong seorang guru, George Haikal, 42, yang mengakui membuat persiapan rapi menghadapi banjir termasuk menghantar ahli keluarganya pulang ke kampung halaman.

"Hujan lebat yang turun lebat terus menerus sejak malam Hari Krismas menakutkan kami sekeluarga.

"Jadi saya menghantar isteri dan anak-anak ke rumah orang tua saya di kampung bersama barang-barang penting," katanya.

Sementara itu, Jamilek Salleh,



PENGUNA kenderaan terpaksa meredah air untuk ke kawasan selamat ekoran banjir yang melanda beberapa kawasan di Samarahan, semalam.

22, berkata, banjir yang melanda sejak dua hari lalu menyebabkan ruang tamu rumahnya yang terletak di Kampung Sadong Jaya Ulu di-

tenggelami air buat pertama kali.

"Rumah kami dibina tinggi berbanding rumah lain untuk mengelakkan air bah, namun kali ini, air

melimpah masuk ke dalam sehingga paras buku lali sementara di halaman, air naik sehingga paras dada," katanya.